

汉
魏
丛
书

汉魏丛书

西京雜記序

漢之西京惟固書爲該練非固之能
爾亦其所資者繕也仲尼約之寶書
馬遷鳩諸國史因本而成在古皆然
也暇得葛洪氏西京雜記讀之云爲
劉子駿所撰以甲乙第次百卷考北

固作殆是全取劉書有小異同耳洪
又抄集固所不錄者二萬許言命曰
西京雜記予於是始知固之漢書蓋
根起於子駿也乃遡憶其所不錄之
故大約有四則猥瑣可畧閑漫無歸
與夫杳昧而難憑觸忌而須諱者也

其猥瑣者則霍妻遺衍之類是也其
閑漫者則上林異植之類是也其杳
昧者則宣獄佩鏡秦庫玉燈之類是
也而其觸忌者則慶郎趙后之類是
也凡若此者披金置沙法所刪棄矣
至於乘輿大駕儀在典章鮑董問對

應全沒不著殆有可疑豈惟非向歆所傳亦未必
洪之作也其以爲吳均作蓋本段成式云庾信作
詩用西京雜記事且追改曰此吳均語恐不足用
王伯厚因此并斥其書淺俗出于里巷多妄說抑
又過矣此書要領略具黃序故不具論予尤愛其
中小品古文若司馬相如答盛覽書鄒長倩遺公
孫宏書梁孝王賓客諸賦及中山王文木賦皆古
雅絕倫若盡棄而不采尤可惜也今故悉仍叢書
原本卷目略爲校勘云汝上王謨識

西京雜記總目

卷一

二十八則

卷二

三十則

卷三

二十五則

卷四

三十則

卷五

十則

卷六

十五則

三十則

卷二

二十八則

卷一

目錄終

西京雜記卷一

漢

劉歆著

宜黃洪占銓校

漢高帝七年，蕭相國營未央宮，因龍首山製前殿，建北闕未央宮，周廻二十二里，九十五步五尺，街道周廻七十里，臺殿四十三，其三十二在外，其一在後，宮池十三，山六，池一，山一亦在後宮門闔，凡九十五。武帝作昆明池，欲伐昆吾夷，教習水戰，因而于上遊戲養魚，魚給諸陵廟祭祀，餘付長安市賣之，池周廻四十里。

漢制宗廟八月飲酎。用九醞太牢。皇帝侍祠以正月。旦作酒。八月成。名曰酎。一曰九醞。一名醇酎。

京師大水。祭山川以止雨。丞相御史二千石禱祠。如求雨法。

天子筆管以錯寶爲跗。毛皆以秋兔之毫。官師路扈爲之以雜寶爲匣。廁以玉璧翠羽。皆直百金。

漢制天子玉几。冬則加綈錦其上。謂之綈几。以象牙爲火籠。籠上皆散華文。後宮則五色綾文。以酒爲書滴。取其不冰。以玉爲硯。亦取其不冰。夏設羽扇。冬設

繒扇。公侯皆以竹木爲几。冬則以細蜀爲素以憑之。不得加綈錦。

武帝時西域獻吉光裘。入水不濡。上時服此裘以聽朝。

高帝戚夫人善鼓瑟擊筑。帝常擁夫人倚瑟而絃歌。畢每泣下流漣。夫人善爲翹袖折腰之舞。歌出塞入塞望歸之曲。侍婦數百皆習之。後宮齊首高唱。聲徹雲霄。

戚姬以百鍊金爲彊環。照見指骨。上惡之。以賜侍兒。

鳴玉耀光等各四枚。

趙王如意年幼，未能親外傅，戚姬使舊趙王內傅趙媼傳之，號其室曰養德宮，後改爲魚藻宮。

惠帝嘗與趙王同寢處，呂后欲殺之而未得，後帝早獵，王不能夙興，呂后命力士于被中縊殺之，及死，呂后不之信，以綠囊盛之，載以小輦車入見，乃厚賜力士，力士是東郭門外官奴，帝後知，腰斬之，后不知也。樂遊苑自生玫瑰樹，樹下有苜蓿，苜蓿一名懷風，時人或謂之光風，風在其間常蕭蕭然，日照其花有光。

采。故名苜蓿爲懷風。茂陵人謂之連枝草。

太液池邊皆是彫胡。紫葳綠節之類。菰之有米者長。安人謂之彫胡。葭蘆之未解葉者謂之紫葳。菰之有首者謂之綠節。其間鳧雛鴈子。布滿充積。又多紫龜。綠鼈。池邊多平沙。沙上鶉鷓鷀。鷓鷀。鷓鷀。鷓鷀。動輒成羣。

終南山多離合草。葉似江蘼而紅綠相雜。莖皆紫色。氣如羅勒。有樹直上百丈無枝。上結藁條如車蓋。葉一青一赤。望之斑駁如錦繡。長安謂之丹青樹。亦云。

華蓋樹亦生熊耳山

漢帝相傳以秦王子嬰所奉白玉璽高帝斬白蛇劍
劍上有七采珠九華玉以爲飾雜厠五色琉璃爲劍
匣劍在室中光景猶照于外與挺劍不殊十二年一
加磨瑩刃上常若霜雪開匣拔鞘輒有風氣光彩射
人。

漢彩女常以七月七日穿七孔鍼于開襟樓俱以習
之。

宣帝被收繫郡邸獄臂上猶帶史良娣合采婉轉絲

繩繫身毒國寶鏡一枚大如八銖錢。舊傳此鏡見妖
魅得佩之者爲天神所福。故宣帝從危獲濟。及卽大
位。每持此鏡感咽。移辰常以琥珀筭盛之。緘以戚里
織成錦。一曰斜文錦。帝崩不知所在。

霍光妻遺淳于衍蒲桃錦二十四匹。散花綾二十五
匹。綾出鉅鹿。陳寶光家。寶光妻傳其法。霍顯召入其
第。使作之。機用一百二十鑷。六十日成一匹。匹直萬
錢。又與走珠一琲。綠綾百端。錢百萬。黃金百兩。爲起
第宅。奴婢不可勝數。衍猶怨。曰。吾爲爾成何功。而報

我若是哉

濟陰王興居反。始舉兵，大風從東來，直吹其旌旗，飛上天入雲，而墮城西井中。馬皆悲鳴不進。左右李廓等諫不聽，後卒自殺。

五鹿充宗受學于宏成子。成子少時嘗有人過之，授以文石，大如燕卵。成子吞之，遂大明悟，爲天下通儒。成子後病，吐出此石，以授充宗。充宗又爲碩學也。

始元元年，黃鵠下太液池，上爲歌曰：黃鵠飛兮下建章，羽衣肅兮行蹒蹒，金爲衣兮菊爲裳，唼喋荷葺出

入蒹葭。自顧菲薄。愧爾嘉祥。

漢帝送死。皆珠襦玉匣。匣形如鎧甲。連以金鏤。武帝匣上。皆鏤爲蛟龍鸞鳳龜龍之象。世謂爲蛟龍玉匣。成帝設雲帳。雲幄。雲幙于甘泉紫殿。世謂三雲殿。漢掖庭有月影臺。雲光殿。九華殿。鳴鸞殿。開襟閣。臨池觀。不在簿籍。皆繁華窈窕之所棲宿焉。

趙飛鸞女弟居昭陽殿。中庭彤朱。而殿上丹漆。砌皆銅沓黃金。塗白玉。階壁帶徃徃爲黃金缸。含藍田璧。明珠翠羽飾之。上設九金龍。皆銜九子金鈴。五色流